




ОРГАН КУЛТУРНО-ПРОСВИТНОГО СОЮЗА ЮГОСЛАВЈАНСКИХ РУСИНОВ

РЕДАКЦИЈА И АДМИНИСТРАЦИЈА
Нови Сад, Војводе Вука 60

Нови Сад, 29 септ. 1940

Изрази 2 пута месечно

Претплата: на год. 25 Динара, на пол
год. 12'50 Д., иностранство 1 Долар
№ 1 ДИНАР

Богатство и худобство

О богатству и худобству вельо людзе маю хибне думанье и хибни суд. Богати людзе приписую себе шицки добри особини: мудросц, вредносц и шпоровносц. Худобни су худобни зато, же су або подли, трошни, ньеуки або пияншици. Таки суд богатих людзох йе велька увреда за шицких вредних и шорових худобних людзох. Йеден чловек гоч да йе яки вредни, шпоровни и мудри, нье може да створи вельке богатство през помоци другого чловека, то йе тачно доказане. А чим вам помага дахто у вашей роботы, вец уж нье можеце повесц же сце ви то сами наробели. На приклад: ви купели йедно багремово древо за 100 дин. и дали сце з нього направиц санки. Тоти санки кед були готови прометну вредносц мали 300 дин. Дакле як видзиме то то исте древо хторе вредзело 100 дин., тераз вредзи 300 дин. Чия йе заслуга же воно постало дракше и чом? Зато же ремесельник уложел до нього свою роботу, даваюци древу другу форму и створел го за употребну вредносц. Но ви ту у тей роботы нье мали ниякей учасци, зато би сце нье шмели мац учасци ани у вредносци тей роботы. Ви ше з ремесельником поједнали да вон санки направи за 100 дин, а ремесельник доприньес 200 дин. зоз свою роботу. Ви му дали 100 дин., а 100 дин. остали вам. Питанье йе як ви себе затримали 100 дин. кед ви нье учасствовали у роботы? Як. видзице, ви нье робели нич, а заробели сце 100 дин. а худобни ремесельник робел и за вас. Ви тераз можеце повесц же сце вредни и шпоровни гоч сце нье робели, а ремесельник подли, глуми и пияншица бо трошел свою моц и ремесло.

Як видзице тот ремесельник ниягда би ше нье моґол з вами ровнац бо ви задармо достали 100 дин. а вон троши свою моц и ремесло. Кед би сце дали 100 санки направиц ви би мали 10.000 дин. чисти, а хтори нье ви заробели алье ремесельник, и вон би мал 10.000 дин., но ви би заж нье були ровни бо вон мал трошку.

Други приклад: Ви пошали 1 ютро конопи. Ви их обрабляли сам и зродзело вам 40 метери сухой конопи. Поведзме же тоти 40 метери сухой конопи вре-

дза 4000 дин. То би була ваша награда за то то ци ви робели. Алье тераз ви ю даце вимочиц и витрещ другому и то та конопа хтора коштала 4000 дин. тераз вредзи 8000 дин., а чом? Зато же уложено до ный вецей роботы. А хто удожел? Роботник. Дакле роботник бул тот хтори зоз свою роботу повекшал вредносц истей конопи. Но ви цигурно сце му нье дали тоту разлику алье сце ше з ным йеднали и цигурно сце себе затримали половку тей разлики за то то сце нье робели, а вон бул примушени да так роби бо вашо богатство примушуйе на то. Кед закукньеме до историйи увидзиме же давно було рабох. Моцнѣйши людзе подярмели слабших и примушели их да за ных робя и воюю итд. Тоти раби о хторих и у Святим Писму пише, робели и стварали богатство но нье себе, алье другому. Кед поједини людзе, хтори владали над рабами, подзельели шицок швет медзи собу, вец отпуштели рабох да буду шльебодни. Алье з чого буду жиц кед их панове заграбали шицко? Вони ше врацали гу своим паном и модльели их да им даю хљеба. И панове им дали хљеба и еще им и пенѣжки дали. Вони були радосни, алье вони то мушели одробиц и вони нье знали же пан им дава лѣм йедну часточку од того цо вони наробели а главне вжал пан. И так од теди роботник роби и достава лѣм йедну частку од своего труда а главне идзе на другого. И за то то цо роботник роби за себе и газду, газда го назива подлим и трошним. Тот стари шор уж дослугуйе и приходзи нови. У шицких державох державна власц ше миша до тих роботох и ушоруйе их кельо тельо.

Приходзи час кед ше каждому роботникови будзе мушиц плациц полна вредносц його роботы, кед нье годзен йеден уживац од трапези других алье кажди будзе жиц од своего труда. Кед би кажди мал лѣм то то цо зоз своим а власним а руками наробя, вец би вельи нѣшкайши богати людзе нье були богати и нье моґли би ше хвальиц же яки су вредни, мудри и як знаю газдовац. Цо зме видзели з тих двох прикладах цо сом их наведол? Видзели зме то, же роботник участууйе сам у роботы, а у приходу од тей роботы участууйе и газда.

Цо йе праведно? Праведно йе то да хто нѣма часц у роботы да нѣма часц ани у приходу.

Вец ше годзен зоз правом кажди богати поношиц же вон вредни и мудри и же стекло лєм од своей способности.

Бачи Горки

Цо наука до тераз посцигла у борби против туберкулози (йефтики)

Йефтика була давно позната хорота як вельке зло человечества. Еше гречески дохторе пред Христом знали за тоту хороту. Хипократ, гречески наученик и дохтор вола тоту хороту фтизис (сушица). Чешка стредньовиковна цма покривала шицки науки па и медицинску науку. Найинтересантийше же у того време квитла найбаржей вира и вирске празновирие. Аж у дзевятнаестим столѣтию зоз будзеньом новей свідомосци, зруцюю ше вельи окови хтори дотля ограничовали духовну дѣятельность человеческого розуму. Тото обще квитнуце наукох предлужело ше у цалим дзевятнаестим столѣтию па и у двацетим. И дохторе започинаю робиц на научним полю и медицина почина квитнуц У погляду правдивей причини туберкулози владала досц длого цма. Аж зоз пренаходзеньом справи хтора увеличуе мали ствари а хтора ше вола микроскоп и после длугих и чешких роботох на тим поли, 1882 року, нѣмецки дохтор Роберт Кох пренаход бацил туберкулози. Зоз тим вон вдерел темель новому вичованю тей опасней хороти. Нѣшка тота хорота випитана до темелю и преучена йе.

Нѣшка ше зна же бацил туберкулози ухodzi до человеческого цела досц вшас, еше у дзедциньству. Йедна часц дзедцох дораз и умера а у векшини цело надвлада хороту. Бацили буду завапньени або такой у плюцох у месту ухodziеня або иду по жилкох дальей и затримую ше у плюцних жлѣздох. Ту бацили могу буц зоз шицким завапньени або лєм залапени и чувани од одбрани цела да ше нѣе ширя дальей. Так ше посцигнѣе и моцнейша способность цела за одбрану од тей хороти. Но же моц цела ослабнѣе зоз другима хоротами або зоз одвише чешким животом, зоз подлим и влажним станом, слабу храну, одвише чешку роботу и зоз хоротами од прехладзения, теди бацили беру моц и зоз места дзе були залапени, ширя ше дальей и виволую обычно смертельну хороту. И млади роки, у дзиччатох од 12 до 18 и у хланцох од 14 до 20 рокох, пре пременки хтори у тот час наставаю у целу и криви млади, ослабую досц одбранбену моц цела против йефтики. Пре то на дзедци у тих рокох треба особено мерковац як на зоз шицким мали дзедци. Исто так познате же человеческе цело найотпорнейше против тей хороти од 30 до 50 роки. Бацили туберкулози могу и по 15 и вецей роки остац у целу человека и чекац да вон ослаби да го вец нападно. Так йе правило же йе туберкулоза старших лѣем предлуженѣе истей хороти зоз дзедциньства.

(Предлужа ше)

Др. Й. Шарик

Як ше чисца вольняни керпари и тепихи

Треба тепих розострец по жеми, и перше го добре вичисциц од праху. Вец тварду щетку добре намачац до капунсей юхи и зоз ню добре вичухац тепих. Треба чухац так як иду нитки. Зробиц исто и зоз другим боком, па преруциц преиґ штрангу да ше осуши и вийду шицки шпляхи а нѣе будзе ше пушац фарба.

Зоз земледѣлства

Держава будзе давац задармо шаце жимскей ольейовой репици бо у держави нѣет досц зейтину за йедзенѣе, а сировини ше нѣе могу увесц нѣиоткадз. Откупна цена будзе за репицу 5 дин. за 1 кг. Шицки хтори сцу шац най ше обраца за упутствия и нашенѣе Призаду. Репица важна бо то перше шаце хторе ше може дораз на яр предац. Окрем того вона польепшуе жем и после нѣей жем найвецей одпочива, або може пошац еше даяке шено.

Бундавова магочки ше буду куповац по 4 динари за 1 кг., зато их зберайце, сушите и добре чувайце да ше нѣе загубя.

Розпитайце ше у вашей общини и приявце ше же сще од бановини достац жито за шаце. Жито ше будзе черац за ваше жито.

Селектиране жито за шаце, хторе признате од надлежного польопривредного органа, може ше предавац найвецей за 30% дракше од цени обычного жита. То значи же ше за таке жито може посцигнуц 390 дин. кед йе чешке 76 грами, а за кажди грам вецей по 250 дин вецей, па ше виплаци дац триерирац або селектирац жито т. й. очисциц шаце на машини од корову, ильеви, грудкох, поламаного, малого и празного зарна.

Того року треба пошвециц барз вельку бригау шацу, бо кед ше нѣе очисченого жита вецей пошейе то чкода руцац тото цо нѣе зидзе, лѣбо йе тельо слабе же млада бильина нѣе годна прежиц жиму и дочекац цеплейши днѣи, док годна сама роснуц, нѣеовисно о резерви зоз зарна. Еше раз мушиме напомнуц най нѣихто нѣизач нѣе шейе нѣепрашковане жито, бо ше на тогорочним слабым шацу годни барз лѣхко розвиц хороти хтори преполовя урожай. За добри прашки най ше кажди опыта у среского польопривредного референта хтори да зарармо упут як ше то роби и кельо треба по метеру жита. Йест вецей сорти прашки а каждого иншак треба.

Кеди ше садзи овоц

Овоц ше садзи в йешеньи або на яр. Найлѣпше овоц садзиц в йешеньи бо ше вец на яр лѣпше розвийе. Но лѣем на барз збитих и мокрих жемах лѣпше овоци садзиц на яр и то пре то бо би на таких жемах жилки древкох були под виливом мраза. Но случи ше же зме в йешеньи нѣе сцигли посадиц древка. Вец их можеме садзиц и на яр, но найлѣпше йе цо вицше то зробиц. Пре то треба еше в йешеньи або найпознейше през жиму викопац дзири. Кед жем мелка дзира досц да будзе широка тельо кельо и глыбока 60 см. Же жем збита теди дзира треба да йе и 1 метер широка а же жем барз збита и мокра дзири могу буц и 2 метери широки. Же ше после садзения древкох жем будзе обрабяц садзиц и окоповац, теди дзири могу буц дакус уши. Дзира за садзение древкох треба да йе глыбока 60 см а лѣе досц жем вируцац лѣем 30 см а други 30 см ю лѣем прекопац и порозбивац.

Древка треба садзиц, же нѣе одвише жимно, еше на краю жими, а же жима слабша могу ше древка садзиц и у стред жими кед нѣет шнѣиґу и кед нѣе барз жимно. В жиме и вшас на яр посадени древка вельо менѣей страдаю в лѣеце од суши як тоти древка хтори посадени нѣескоро на яр.

НОВОСТИ

Родзени дзень Й. В. Краля Петра II и того року преславени у цалей нашай держави торжественно. Того року Й. В. Краль навяршел 17 роки а на рок будзе мац 18 роки и будзе пунолѣтнѣ. Тот остатнѣ Його родзени дзень пред полнолѣтством преславени нѣ лѣм од державних власцох и разних организацѣйх но и од цалого народу. Тим баржей и торжественши бул преславени тот вельки дзень за каждого Югославяна же ше нашай держави удало щастие буц у миру и тѣраз кед ше велька часц швета находзи у войны. Нашо, и новини других народох по тей нагоди були полни зоз описованьом Й. В. молодого Краля и Його живота, були вони полни похвали у каждим погляду. Тисячи винчованя и жаданя щастя прияла по тей нагоди дворска канцелария зоз шицких странах швета.

У Румунии ше у остатних часох одбули вельки збития. После того як Румуния мушела вращиц Бесарабию и северну Буковину Руси, навалели на ню Мадяре и Бугаре. Як нѣ було випатрунка да ше медзисобни питаня на мирни способ рѣша помѣдзи Мадярску и Румунию то министрове заграничя Нѣмецкей и Италії додзельбели Мадяром вельку часц Ерделя у хторей було нѣ лѣм Мадярох но скоро еще вецей Румунох и других народносцох. При тим додзельованю граля ролю нѣ лѣм народносц но и потреба державних границох, а нам еще швиже у памяти яки ше бури дзвигали против того же после швитскей войны створени дапойедни держави нѣ лѣм на чисто народносней основи но и на потреби державних границох. У Румунии пре то пришло и до нѣмирох и Й. В. Краль Карол мушел подзековац на кральовствѣ на пользу своего сына тѣрашньог молодого Краля Михаила. Генерал Антонеску достал диктаторску власц и дорозумел ше зоз странку так волану „жельезну гарду“ а зменшана Румуния достала од Нѣмецкей и Италії гаранцию за йей зменшани границы. Ствар зоз Бугарску ишла велько глатше бо була у питаню менша часц жеми и то тога у хторей у добрей часци жию Бугаре. По медзисобней догварунки Румуния уступела Южну Добруджу Бугарскей.

Война помѣдзи Англию з йедней страни и Нѣмецку и Италию з другой водзи ше и далѣй. Нѣмци бомбардую Англию, а особливо Лондон уж вецей як мешац алье им ше еще нѣ удало да зоз шицким зламу моц англійского воздухопловия хторе ше еще вше мощно одупера нападом Нѣмцох, а док нѣ зламу моц англійского воздухопловия дотля нѣ випатра же ше Нѣмци усудза преиц на англійске острво. Но и Английци нѣ оставаю длужни. Вони видза же су у воздухопловию по числу слабши и пре то нападаю лѣм в ноци, кед йе утрошок у крилатицох барз мали. Так Английци каждей ноци бомбардую шицки места у Франции, Нѣмецкей, Бельгии и Холандии за хтори тримаю же ше у нѣм Нѣмци порихтали за преходзѣнне до Англии. Окром того Английци бомбардую и саму Нѣмецку. Нѣмци твердза же англійске бомбардованье ма одвише слабого военного успиху и же од нього страда лѣм мирне цивилне жительство и пре то ше страшно гнѣваю и грожа як то може буц до тѣраз еще явно преиц новинох слабо хто робел. Так вони на приклад пишу „же п. Черчил и далѣй будзе посилац свойо збойницьке воздухопловие да уныишуйе наших роботньикох, жени и дзеци и их

маеток, то Англійска нѣ будзе мац досц креви аныи слизи да задоволи нашу жажду за вимесценьом“. Италия менѣй грожи а вецей роби и у Африки забера цо сдигнѣ но вельо спорше як цо ше тому гоч хто надал. Питанье йе чи ше Английци годни и у Египту одупрец Талияном.

Америка ше цошка рихта. Вельки воени кредити и уводзѣнне общей военой обявунки за часу мира знача вельо. Першираз у своей истории Сйединѣни Сивѣроамерички Держави уводза общу воену обявунку за часу мира, Америка як да барз добре видзи опасносц хтора йей грожи. Сйединѣни Держави ше перше потрудзели да осигураю свою воену превласц над цалу особливо Южну Америку а тѣраз ше трудза да исто зроби и у Аустралии и Южней Азии. По тей ствари посцигли зоз Англию хтора ма там вельки колонии полне дорозумѣнне. Англия у тим погляду иде так далѣко же уступа Америки свойо воени бази у тих крайох швета да би Америка чуваюци йей интереси у исти час чувала и англійски, бо Англия видзи же нѣ ма досц моци да зачува свойо колонии у тим краю швета за хторима вше баржей стрѣже Япония. На полю Европскей войны помѣдзи Америку и Англию еще нѣ посцигнуते на тѣло дорозумѣнне бо американски главни интерес у колонийох. Но ипак ше у Америки вше вецей може чуц и читац же Америка треба да помага Англию зоз оружьем отворено и у полней мири же би вѣц нѣ мушела и зоз войском, аби же Америка муши помагац свойого йединого приятеля у швецѣ, Англию, аби же препасц Англійского царства будзе значиц и препасц Америки кед нѣ преинше, а то пре то же препаднѣ американска торговля а зоз ню йей индустрия од хторей Америка жиѣе.

Пре войну у Европи церпя вельо и держави хтори ше нѣ находза у войны. Познато йе же нѣет держави на швецѣ хтора би могла жиц сама за себе и хтора би нѣ мушела нѣич куповац зоз других державох або нѣич предавац другим державом. Но як ше война водзи окрем чисто военима средствами исто и на привредним полю помоцу блокади то на тим полю воени способи вельо облапяю и держави хтори су нѣ у войны. Економски живот и тих державох вельо церпи и у нѣм приходзи до вельких переменкох. Дапойедни ствари цо ше увожа, а за живот пойединцох або держави як цалосц су нужни, або нѣ мож нѣяк достац або барз чешко. Цени ше меняю, обычно рошню, живот подражуѣе а привредзованье у держави хторе йе основа за щастливый живот, церпи вшѣльняки поческосци. Ту йе найгоднѣйши час и за воених шпекулантох хтори рахуюци же цена скочела тому або тому, дзвигают цену и тому хторе их нѣ кошта нѣич вецей як цо их скорей коштало. Им йе главни циль заробок. Же то може довесц до нѣзадовольства народа, до нѣсправедного очѣжанья живота у держави, то им нѣ брига. Так то було и скорей а так и у тих часох по шицких державох. И у нас тих днѣох настало йедно шальено обѣгованье у дзвиганю ценох. На приклад у йедней торговльи питам ше почим йеден орман и добийем одвѣт 3 000 дин., о 5 днѣи после тот исти истучки орман пре то же стал у торговльи 5 днѣи подражел за 1000 дин. и коштал уж 4000 дин. Можеме повесц же йе то-лукузна роба, най плаци хто сце и може. Алье кед ше таки случаи явяю и у стварох хтори су нѣобходимы за живот тѣди то може довесц до препасци. Пре то мушела державна власц умишац и одредзиц контролю ценох над шицким цо йе за живот нужне и тота контрола ше муши усовершовац и проширйовац на тѣло баржей на кельо баржей воеви шпекуланти розвиваю свою роботу.

НАУКА И ЖИВОТ

Крилатица у борби против гушеницох. Як ше уж у Русији и Америци випробовали крилатици у борби против гушеницох у льесох. Ньемци того року употребели крилатици за борбу против гушеницох на кромпљох. Зоз крилатицох хтори льеца ньиско росипује ше працок хтори трује гушеници.

До скоро ше тримало же ше в ноци швитлосц на жеми зоз крилатицох найслабше видзи, алье тераз пренайдзена йедна жельена швитлосц хтора ше еше меней видзи зоз крилатицох в ноци.

У Русији у остатњих роках барз вельо ше роби на пренаходзенью блага хторе ше находзи у жеми. На тот способ ше пользую гльбоки вертання жеми па ше вец поједини частки жеми на разних гльбиниох випитую чи може буц у нѣх йест на приклад: злата, стрибла, угля, жельеза або витриону и вельих других жемних благох. До тераз уж открыти огромни жемни блага алье еше льем Европска часц Русији добре випитана. Тераз ше випитую и Азийски краји а на тим робя вецей як 3000 научних експедицийох.

У тим погляду пренайдзени йеден зоз шицким нови способ вертання жеми, помоцу чого ше жем найменей 4 раз спорше верта а дакеди кед жем през каменюх и вецей раз. При тим ше цала машина за вертання спушуйе долу до жеми, вйедно зоз цивами през хтори преходза пенши циви, а през нѣх ше нука долу пумпује вода зоз розридзеньу иловачу. На тот способ викопана йедна нафтова цива гльбоко 1000 метери до жеми за 60 годзин, а скорей требало за то 2000 годзин. Значи же на нови способ вивертання на годзину вецей як 15 метери гльбоко до жеми.

Уж од скорей познате же музика повековшава способносц човека на приклад да маршуйе. Тераз утвердзене же ше и роботньиком у фабрикох нѣ льем уменьшуйе вистановетосц зоз музику но людзе способнейши и за споршу роботу. Пре то у Америци ше починаю правиц таки машини хтори кед робя даю лопот хтори подобни музики. Зоз тим повекушуйе роботна способносц роботньикох за 20%.

Психотехника

Психотехника йе йедна нова наука помоцу хторей ше одредзује духовна способносц дзецка и човека. Нѣшка, кед йест вецей як 16 000 разних занатох и роботох, кед друштво, держава а и кажди за себе гльеда да од себе да цо вецей як за свою пользу так и за пользу других, нѣшка нѣ льехко вибраща занимање за хторе йе человек найспособнейши. За то служи психометрия, помоцу хторей ше випитуйе за цо хто найспособнейши и вец му ше совитуйе да то то ремесло и вибере. Перши крочай на тим зробели Американци еше у швитскей войни кед за кратки час требали створиц войско од 2 милиони людзох. Теди вони препатрели каждаго нѣ льем на його тѣлесне здравлье, но и на його духовни способности и так го аж одредзели дзе йе найспособнейши служиц у войски. После того и Ньемци, Французи и Английци

уведли обязательни препатрунок духовних способносцох каждаго вояка хтори ма служиц у специальних военных струкох. Но окрем того йест у тих державах и других вельих званийох у хторих ше утвердзује духовна способносц дзедох и людзох и вец им ше совитуйе же зач су найспособнейши. У тим погляду за тераз найдалей пошла Русия. Там ше кажде дзецко випитуйе на тот способ обязательно скорей як ступи до основней школи, скорей як идзе до гимназийи або других виших школах и скорей як ступи до даякого ремесла. У нашей держави йест таки способ випитованя и совитованя у Загребу, а було и у Београду, алье тераз йе зменшане льем на випитованье духовних способносцох през препатрунка здравля и других випитованюх.

Даскельо права феудализма

(Зоз француского преведол Анѣлко Диниѣ, зоз читанки за Тарговачку академию)

Панове племство мали право лову, преходзенья през зашати поля и жита, зоз чим пустошили зарна, а кед би ше тому ошмельел селян спротивиц, гоч и на своей власней жеми могал пойсц до цемньици.

Племство и апати (попове) мали так исто право да их статок будзе окреме од селского. Их статок ишло напредок и кед попасол аж за нѣм шмели селянѣ пушац и свой статок. Так статок селяна мушел скапавац од гладу. Льем племство и апати мали право тримац голуби. Нѣпреповедзени громади тих голубох упреспасовали шаце селянох. Мушело ше дупло пошац конопи, гращчку, жита або грахору и другого кед ше сцело очековац род. Окрем того кажди оец фамилии бул длужен племству и апатом за часу цалого року метер и пол овса, 10 пари курчата, 24 вайца и друге. Окрем того бул длужни 3 надньици работи за себе, 3 дньи за каждаго од своих синых, 3 за газдиню и по 8 за коня и коч. Селян бул длужен задармо покошиц траву коло их дворцох, бул длужен осушиц ю и на перши знак дзвона повожиц ю до шопох.

Же би дацо похибел достал за кажду хибу 5 дньи затвору. Селян бул длужни так исто превозиц каменъ и древо зоз льеса потребне за оправку панских салашох и дворцох. То ше воал кулук паном и апатом. Кед бим наведол и взаемни пец, взаемни льики, о взаемним садзенью вина зоз грозна, дзе цале село мушело, да вари, пече, мелье и цацзи вино а да за шицко то муши плациц, кед бим наведол шицки порции и 1000 других хтори уничтожовали народ зоз села, тому би нѣ було краю.

ЗОЗ СОЮЗА

× Ж остатњи йе час да пошље кажди хто то до тераз нѣ зробел, *материал* за наш тогорочни календар „Заря“ и то на адресу: *Ђура Павловиѣ, Београд, пивара Бајлони.*

× Претплату хто еше нѣ уплацел, модльи ше да то дораз зроби, же би новина могла шорово виходзиц бо же шорово новина нѣ видзе, вина йе льем до претплатительох хтори нѣ уплацую шорово претплату. Наша новинка виходзи льем од претплати а овиши о свидомосци читательох.

За власништво К. П. С. Југославянских Русинох одговара Др. Јован Шарик Руменачки пут бр. 18.

Одговорни уредник Евгеније М. Кочиш, Руменачка улица 82.

Штампарија „Натошевић“ Учит. К. Д., Нови Сад, Скерлићева 1.,